



Inatsisartunut ilaasortaq Malik Berthelsen,
Siumut

**Naalakkersuisunut Apeqqu: 1. Utoqqalinermi Naalakkersuisunut apeqqu:
Utoqqalinermi pensionisiamik saniatigut pensionisiaat nikisingikkaluarlugit
annerpaamik isertinnaasaata 56.000kr.-usut qaffanneqarsinnaanerit
Naalakkersuisut isumaliutigisinnaanerlugu?**

**2. Qallunaat Nunaanni pitsaanagerusumik soraarnerusutisiaqartitaaneq
pissutigalugu Nunatsinniit Qallunaat Nunaannut nuuttartut qassiunersut
kisitsisitigut ilisimaneqarnerlutik?**

23. marts 201022.03.2010
Sagsnr. 2010-028217
Dok. Nr. 341535

Postboks 260
3900 Nuuk
Tlf. (+299) 34 50 00
Fax (+299) 34 66 66
E-mail: in@nanoq.gl
www.nanoq.gl

Naalakkersuisut utoqqalinermi pensionisiaqartut pillugit apeqquaqarnerit qujassutigaat

Apeqquummut siullermut tunngatillugu ilisimatitsissutigisinnaavara, 2007-mi pensionisiat aningaasartaat malunnaatilimmik qaffaavigineqarsimmata, kiisalu akit nikerarnerinut pensionisiat naleqqussarneqarsinnaanerit atuutilersinneqarsimalluni. Aammattaaq utoqqalinermi pensionisiat qaffaassutissaannut killissarititaq annertusineqarsimammat.

Naalakkersuisut Akileraartarnermut Atugarissaarnissamullu ataatsimiititaliarsuarmik pilersitsinikuupput, taakku misissueqqissaartussaapput innersuussuteqarlutillu, ilaatigut qanoq ilillugu qulakkeerneqarsinnaanersoq aningaasat ikiorsiissutit tunniuttakkat nammineq sulinermi akissarsiaqarnissamut taartaaginnarnissaat pinaveersaarneqarnissaa.

Akileraartarnermut Atugarissaarnissamullu ataatsimiititaliarsuup sulini februarimi 2011-mi naammassissavaa, tamatuma kingorna Naalakkersuisut iliuusissanik siunissamut sammisunik isumaliuteqassapput. Taamaammat Naalakkersuisut maannakkorpiaq allannguinnessanik pilersaaruteqanngillat

Apeqquqip aappaanut tunngatillugu ilisimatitsissutigisinnaavara, utoqqalinersiallit Kalaallit Nunaanniit Danmarkimut nuuttarnerat pillugu kiisalu nuunnermut pissutaasunik paasissutissanik misissuinerilluunniit, ilisimasagut malillugit saqqummersitsisoqarsimangimmat.

Inussiarnersumik inuulluaqqusilluta

Maliina Abelsen